

Broj: 118-030-02/25
Sarajevo, 24.03.2025. godine

Na osnovu člana 70. stav 1), 3) i 6) Zakona o javnim nabavkama („Službeni glasnik BiH“, br: 39/14, 59/22 i 50/24), člana 43. Statuta Javne ustanove „Centar za napredne tehnologije u Sarajevu“, te prijedloga Komisije br: 118-060-05/25 od 21.03.2025. godine, u postupku nabavke roba- produženje licence Ansys:

ODLUKU

o izboru najpovoljnijeg ponuđača i dodjeli ugovora u postupku javne nabavke roba- produženje licence Ansys

I

Prihvata se prijedlog Komisije za nabavke broj: 118-060-05/25 od 21.03.2025. godine i ugovor za nabavku roba- produženje licence Ansys dodjeljuje se ponuđaču FIXIT d.o.o. , ul. Zaima Šarca 34, Sarajevo, BiH (veza ponuda br. 145/25 od 24.02.2025.godine) za ponuđenu ukupnu cijenu za predmetnu nabavku u iznosu od **11.900,00 KM bez PDV-a**, koja je prema kriteriju za izbor ponude (najniža cijena) ocijenjena kao najpovoljnijom.

II

Izabrani ponuđač je dužan u roku od 5 dana od dana zaprimanja ove Odluke dostaviti dokaze iz člana 45. stav 1. tačka od a) do d) Zakona o javnim nabavkama BiH, u skladu sa tenderskom dokumentacijom, evidencijski broj PR – 3/25.

III

Ugovori će se dostaviti na potpis izabranom ponuđaču u skladu sa Zakonom o javnim nabavkama BiH.

IV

Ova odluka objavit će se na web-stranici www.cnt.ba , istovremeno s upućivanjem ponuđačima koji su učestvovali u postupku javne nabavke, shodno članu 70. stav 2. i 6. Zakona o javnim nabavkama BiH.

V

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 118-030/25 od 13.02.2025. godine. Javna nabavka je provedena putem konkurentskog zahtjeva za dostavu ponuda sa predviđenom e-aukcijom i kriterijumom- najniža cijena. Ukupna procijenjena vrijednost javne nabavke bez PDV-a je iznosila 14.000,00 KM bez PDV-a.

Tenderska dokumentacija je objavljena na portalu javnih nabavki zajedno sa obavještenjem o nabavci broj: 22651-7-1-12-3-19/25 objavljeno dana 14.02.2025.godine

Komisija za javne nabavke imenovana je Odlukom broj: 118-030-01/25 od 13.02.2025.godine. Komisija za javne nabavke dostavila je 21.03.2025. godine Zapisnik o pregledu i ocjeni ponuda sa prijedlogom o izboru najpovoljnijeg ponuđača, broj: 118-060-05/25, u postupku javne nabavke roba- produženje licence Ansys.

Komisija za javne nabavke blagovremeno je izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno:

- da su blagovremeno zaprimljene- 2 ponude;
- da je ukupan broj pristiglih ponuda – 2;
- da nije bilo neblagovremenih ponuda.

Komisija je izvršila provjeru prihvatljivosti ponuda, te je utvrdila da su dostavljene ponude prihvatljive. Obzirom da je dostavljeno više prihvatljivih ponuda, to je održana e-aukcije, te je na osnovu Izvještaja o toku i završetku e-aukcije Komisija predložila Ugovornom organu da prihvati ponudu ponuđača i da ugovor o javnoj nabavci dodjeli ponuđaču FIXIT d.o.o., ul. Zaima Šarca 34, Sarajevo, BiH, za ponuđenu ukupnu cijenu za predmetnu nabavku u iznosu od 11.900,00 KM bez PDV-a, a u skladu sa uslovima tenderske dokumentacije, dostavljene ponude i izvještaja o održanoj e-aukciji.

Cijeneći prethodno navedeno, direktor je odlučio kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba u roku od 5 (pet) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka i sadrži elemente propisane članom 105. Zakona o javnim nabavkama BiH.

Direktor

Mr. dipl. ing. Ensar Mulahasanović

Dostaviti:

- Ponuđačima koji su učestvovali u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a